



Aðalfundur
Sorpstöðvar Suðurlands bs
haldinn á Hótel Örk
1. nóvember 2024

1. Setning

Anton Kári Halldórsson, formaður SOS setur fundinn.

2. Kjör fundarstjóra og fundarritara

Formaður tilnefni Dagnýju Sif Sigurbjörnsdóttur og Pétur Georg Markan frá Hveragerðisbæ sem fundarstjóra og Rósu Sif Jónsdóttur sem fundarritara. Er það samþykkt samhljóða.

Formaður felur fundarstjórum stjórn fundarins.

3. Kosning í kjörbréfa- og kjörnefnd

Lögð er fram svohljóðandi tillaga kjörnefndar að kjörbréfanefnd:

Kjörbréfanefnd

Aldís Hafsteinsdóttir

Sigurjón Vídalín Guðmundsson

Margrét Harpa Guðsteinsdóttir

Sveitarfélag

Hrunamannahreppur

Sveitarfélagið Árborg

Rangárþing ytra

Er tillagan samþykkt samhljóða og tekur kjörbréfanefnd þegar til starfa.

4. Skýrsla stjórnar

Anton Kári Halldórsson, formaður flytur skýrslu stjórnar, kynnir hann stjórn sína. Haldnir hafa verið átta stjórnarfundir frá síðasta aðalfundi. Hlutverk SOS hefur tekið talsverðum breytingum á liðnum árum þar sem það er ekki lengur í höndum SOS að tryggja farveg úrgangs frá aðildarsveitarfélögum nema að litlu leyti. Flest sveitarfélög innan SOS eru til fyrirmyndar er kemur að meðhöndlun úrgangs. Alltaf er verið að leita að nýjum og hagkvæmari lausnum. Helst er unnið að lausnum fyrir úrgang sem erfitt er að finna farveg fyrir og má þar helst nefna dýraleifar í áhættuflokki 1 og úrgang úr fitugildrum og spilar Orkugerðin þar stórt hlutverk.

Mest allt brennanlegt sorp sem safnað er á Suðurlandi er flutt út og nýtt til orkuvinnslu, það er vaxandi eftirspurn erlendis frá eftir brennanlegum úrgangi en kostnaðurinn er mikill og fer líklega vaxandi.

Umhverfissérfræðingur hjá SASS heldur utan um tölulegar upplýsingar um úrgangsmagn, flokka og kostnað. Það er mikilvægt að sveitarfélögin rýni fyrirbyggjandi gögn og komi með ábendingar til SASS um það sem betur má fara.

Samráðsnefnd sorpsamlaga á Suðvesturlandi vinnur enn að því að finna farsælar leiðir í úrgangsmálum og skoða nú m.a. hagkvæmni við að byggja hátæknibrennslustöð á Íslandi. Fyrirhuguð er stofnun undirbúningsfélags til að leiða verkefnið áfram. Gert er ráð fyrir að ríkið eigi og reki stöðina, einnig er í skoðun hvar besta staðsetningin sé.

Það er í gildi samningur við EFLU um mælingar og vöktun á urðunarsvæðinu við Kirkjuferjuháleigu en til að uppfylla opinberar kröfur Umhverfisstofnunar þarf að mæla frárennsli og fleira reglulega.

Svæðið lítur vel út og er til sóma fyrir SOS en kostnaðurinn við að uppfylla kröfur við vöktunina er nokkur. Verið er að kanna möguleika á að selja jörðina en farið verður betur yfir það síðar á fundinum.

SOS er stærsti hluthafi í Orkugerðinni. Staðið hafa yfir framkvæmdir og stækkun á verksmiðjunni. Nýr sjóðari og ketill voru teknir í notkun og hefur það skilað meiri afkasta- og framleiðsluaukningu. Unnið er að aðgerðum varðandi lyktareyðingu. Einnig er komið á virkt samtal milli ráðuneytis og Orkugerðarinnar og því ber að fagna.

Endurnýjaður var samningur við SASS en þar er unnið að ákveðnum verkefnum fyrir SOS og hefur samstarfið gengið vel. Fyrirhuguð er í samvinnu við SASS um að blása lífi í verkefnið Umhverfis Suðurland.

Formaður SOS ásamt fleirum hélt til Finnlands á árinu til að kynna sér örbrennslustöð sorps hjá fyrirtækinu Ferroplan/Ferropower. Var þetta virkilega áhugaverð heimsókn. Nú er í skoðun uppsetning á slíkri stöð á starfssvæði Sorpstöðvar Rangárvallasýslu.

Að lokum segir hann að úrgangsmál sveitarfélaga eru og verða um ókomna tíð eitt af stóru verkefnum hvers sveitarfélags en sveitarfélög á Suðurlandi hafa verið í fararbroddi í úrlausnum sorpmála.

5. Lögmæti fundarins samkvæmt niðurstöðu kjörnefndar

Aldís Hafsteinsdóttir formaður kjörbréfanefndar kveður sér hljóðs og gerir grein fyrir kjörbréfum. Alls eru 9 kjörnir fulltrúar. Gild kjörbréf eru fyrir 9 aðalfulltrúa.

Fundurinn úrskurðast því lögmætur.

6. Mál til afgreiðslu

a) Ársskýrsla SOS 2023 - 2024

Eru henni gerð skil í skýrslu stjórnar fyrir á fundinum.

b) Endurskoðaður ársreikningur 2023

Anton Kári kynnir ársreikning fyrir árið 2023, þar kemur fram að rekstrarhagnaður nam rúmlega 1 m.kr. Samkvæmt efnahagsreikningi er bókfært eigið fé 128,2 m.kr.

c) Tillaga að fjárhagsáætlun 2025

Anton Kári kynnir fjárhagsáætlun fyrir árið 2025.

Helstu tölur eru þær að rekstrartekjur verði áfram 10 m.kr. og rekstrargjöld 16,7 m.kr. Áætlað er að tap ársins verði um 3 m.kr.

d) Tillaga að gjaldskrá

Tillaga til aðalfundar SOS 1. nóvember 2024 um tekjustofn (gjaldskrá).

Fram til loka árs 2018 byggði tekjustofn SOS á umsýslugjaldi sem lagt var á allan úrgang sem fór til urðunar og var gjaldið 0,76 kr./kg. án vsk.

Á aðalfundi SOS árið 2018 var tekjuginni SOS breytt og skyldi hann framvegis byggja á brunabótamati sem vigti 70% og á fjölda íbúa sem vigti 30% í hverju sveitarfélagi sem aðild á að SOS, sbr. töflu hér að neðan.

Í töflunni hér á eftir má sjá hvernig gjaldið skiptist á sveitarfélögin sem aðild eiga að SOS gefið að markaður tekjustofn Sorpstöðvarinnar á ári sé að fjárhæð 10 m.kr. og ef miðað er við að brunabótamat vigti 70% (stofn frá 31. desember 2023) og fjöldi íbúa vigti 30% (1. janúar 2024). Í dálknum „Samtals gjald“ má sjá hvernig árgjaldið til SOS skiptist á einstök sveitarfélög m.v. fyrrgreindar forsendur.

Innheimta á gjaldið 1. febrúar og 1. júlí ár hvert.

	Íbúafjöldi 01.01.24*	Brunabótamat 31.12.23**		
Sveitarfélag	Gjald	Gjald	Samtals gjald	%
Skeiða- og Gnúpverjahreppur	69.139	361.669	430.808	4,31%
Flóahreppur	81.774	210.364	292.138	2,92%
Sveitarfélagið Árborg	1.352.948	1.935.873	3.288.821	32,89%
Hrunamannahreppur	101.193	301.242	402.435	4,02%
Bláskógabyggð	154.656	736.606	891.262	8,91%
Grímsnes- og Grafningshreppur	63.056	838.836	901.892	9,02%
Hveragerðisbær	381.961	535.015	916.975	9,17%
Sorpstöð Rangárvallasýslu	487.482	1.420.672	1.908.155	19,08%
Sveitarfélagið Ölfus	307.791	659.722	967.513	9,68%
Samtals	3.000.000	7.000.000	10.000.000	100,00%
Sorpstöð Rangárvallasýslu	Gjald	Gjald	Samtals gjald	%
Rangárþing ytra	218.414	600.362	818.776	8,19%
Rangárþing eystra	234.792	575.017	809.809	8,10%
Ásahreppur	34.277	245.293	279.570	2,80%
Sorpstöð Rangárvallasýslu	487.482	1.420.672	1.908.155	19,08%
Marktekjur kr. 10.000.000.-				
Vægi íbúafjölda 30%				
Vægi Brunabótamats 70%				

e) Tillaga um þóknun stjórnar

Tillaga til aðalfundar SOS 1. nóvember 2024 um þóknun stjórnar.

1. Laun stjórnar skulu nema 3,0% af þingfararkaupi fyrir hvern fund. Laun formanns skulu nema 4,5% af þingfararkaupi fyrir hvern fund. Fyrir aðra fundi skulu þau nema 3% af þingfararkaupi fyrir hvern fund.

2. Fulltrúar í stjórn skulu fá greitt fyrir akstur til og frá fundarstað skv. akstursdagbók í samræmi við reglur RSK um aksturskostnað

f) Tillögur að breytingum á samþykktum

Engar tillögur bárust.

g) Tillögur frá stjórn og aðildarsveitarfélögum

Engar tillögur bárust.

h) Umræður um framtíð Kirkjuferjuháleiga

Steinunn Erla Kolbeinsdóttir hdl. og Aníta Rögnvaldsdóttir hdl. frá Lögmönnum Suðurlandi kynna niðurstöður minnisblaðs um framtíðarmöguleika varðandi sölu Kirkjuferjuháleigu og svara fyrirspurnum fundarmanna.

Fundarstjóri gefur orðið laust. Kjartan Björnsson, Eggert Valur Guðmundsson, Árni Eiríksson, og Bjarni Guðmundsson taka til máls.

7. Erindi: Formaður fer yfir magn og kostnað úrgangs á starfssvæði SOS 2023

Anton Kári formaður vísar fundarmönnum á skýrslu umhverfissérfræðings SASS sem liggur fyrir fundinum í fundargögnum. Hann ítrekar mikilvægi þess að sveitarfélögin rýni fyrirbyggjandi gögn og komi með ábendingar til SASS um það sem betur má fara.

8. Erindi: Fulltrúar Pure North kynna nýútkomna skýrslu um greiningu á kostnaði og tekjum sveitarfélaga vegna meðhöndlunar úrgangs

Börkur Smári Kristinsson, rekstrarstjóri Pure North í Hveragerði kynnir fyrirtækið en þeir reka einu plastendurvinnslu landsins og eru að endurvinna um 12 tonn á ári. Einnig eru þeir með ráðgjafateymi og hugbúnaðarlausnir á sviði umhverfismála.

Fyrirtækið gerði greiningu fyrir Samband ísl. sveitarfélaga á kostnaði og tekjum fimm sveitarfélaga vegna meðhöndlunar á úrgangi.

Ekki var hægt að bera saman móttöku- og grenndarstöðvar, aðeins var hægt að bera saman blandaðan úrgang, matarleifar, pappír og plast frá íbúum. Garðabær, Ísafjörður, Skagafjörður, Rangárþing eystra og Suðurnesjabær tóku þátt í verkefninu. Fer hann yfir samanburðartölur, kg. á hvern íbúa, en það var breytilegt sérstaklega í blandaða úrganginum einnig fór hann yfir heildarkostnað á kg. Pappír og plast er dýrast.

Það er breytilegt milli þessara fimm sveitarfélaga hvar kostnaðurinn liggur. Fer hann yfir kostnað yfir móttöku og söfnunarkostnað.

Niðurstaða skýrslunnar er að það þarf að staðla þetta betur til að fá betri yfirsýn og það þurfa allir aðilar sem verslað er við að senda niðurstöður. Erfitt að treysta öllum upplýsingum, það er mikill breytileiki í kostnaði og reikningarnir eru mjög mismunandi og gefa misgóðar upplýsingar.

Fundarstjóri gefur orðið laust. Til máls tekur Fjóla St. Kristinsdóttir.

9. Almennar umræður

10. Afgreiðsla

á b. lið og tillögum c., d., og e., f. og g. í 6. dagskrárlið

Fundarstjóri gefur orðið laust um tillögur. Enginn tekur til máls.

b) Lagt er til að endurskoðaður ársreikningur 2023 verði samþykktur.

Tillagan er borin undir atkvæði og samþykkt samhljóða.

c) Lagt er til að fjárhagsáætlun 2025 verði samþykkt.

Tillagan er borin undir atkvæði og samþykkt samhljóða.

d) Lagt er til að gjaldskrá verði samþykkt.

Tillagan er borin undir atkvæði og samþykkt samhljóða.

e) Lagt er til að tillaga um þóknun stjórnar verði samþykkt.

Tillagan er borin undir atkvæði og samþykkt samhljóða.

f) Lagt er til að tillögur að breytingum á samþykktum verði samþykkar

Engar tillögur að breytingum á samþykktum bárust sem þarf að afgreiða sérstaklega.

g) Lagt er til að tillögur frá stjórn og aðildarsveitarfélögum verði samþykktar.

Engar aðrar tillögur bárust sem þarf að afgreiða sérstaklega.

11. Kosningar Stjórn Sorpstöðvar Suðurlands, 5 menn og 5 til vara

Aldís Hafsteinsdóttir, formaður kjörnefndar SOS, leggur til eftirfarandi tillögur kjörnefndar að skipan í stjórn Sorpstöðvar Suðurlands.

Eftirfarandi er tillaga kjörnefndar að skipan stjórnar Sorpstöðvar Suðurlands til eins árs:

Aðalmenn:

Ása Valdís Árnadóttir, Grímsnes- og Grafningshreppur

Bragi Bjarnason, Sveitarfélagið Árborg

Fjóla St. Kristinsdóttir, Sveitarfélagið Árborg

Dagný Sif Sigurbjörnsdóttir, Hveragerðisbær

Jón G. Valgeirsson, Rangárþing ytra.

Varamenn:

Eggert Valur Guðmundsson, Rangárþing ytra

Haraldur Þór Jónsson, Skeiða- og Gnúpverjahreppur

Sveinn Ægir Birgisson, Sveitarfélagið Árborg

Helga Lind Pálsdóttir, Sveitarfélagið Árborg

Ingibjörg Kjartansdóttir, Sveitarfélagið Ölfus

Kjörnefnd leggur til eftirfarandi tillögu um formann og varaformann sem skal kjósa sérstaklega á aðalfundinum úr hópi aðalmanna í stjórn.

Formaður: Ása Valdís Árnadóttir, Grímsnes- og Grafningshreppur

Varaformaður: Bragi Bjarnason, Sveitarfélagið Árborg

Tillagan er borin undir atkvæði og samþykkt samhljóða.

Ása Valdís Árnadóttir nýkjörinn formaður tekur til máls og þakkar fyrir það traust sem henni er sýnt en um leið þakkar hún fráfarandi formanni fyrir samstarfið.

Fundi slitið kl. 10:18.

Rósa Sif Jónsdóttir, fundarritari.